

www.BibleForChildren.org

Matayo ma Peba 26



† re siks (6) bibir komb
aukito Ju riga waina Uj
†gwanti Nony Iyena
Diyamdiyam Win awowim,
Yesu kea Betaniya tungg wa
opendonj. † Lajaro yena re Yesu
uj ke yutnyitonj, ton ademb de onggit
Betaniya tunggind yibnonj.




† Mariya ukoi mira kima
kilkesa ngirangngirang
gaya ogenaya da nad
yokatonj ama rika yipa
lita na. † ton ket Yesumna pisind
yigmakonj dide ket tina mopngii ke
Yesumna pis esekonj. Si met re kea
onggit b'ogil gaya ngirangit yiwintonj.



† Twelp (12) itmikitijog riga wingirind Yudas Iskariyot yikonj yina mopyam si riga wa pilwa, nokim da idenat ton Yesund tib yii towa pilwa. Si re ton yina mopyam si rigap onggityam yit utkundo, ton ma sobijog sam na aukito dide ket towaina tirir omni yit yusekawo da, “Si b'ogil e. Sin wulkip kae tib mira motinau.” Onggit kak ke Yudas ket b'ogil win oraka yiyonj Yesund okawam towa pilwa.



Seg osiemb b'auyaena riga
nimogip tja na gasa amnikinonda
rija na re Yesu ten engawonj dide
ket Ju riga waina Uj tgwanti Nony
lyena Diyamdiyam yongonjenonda.
† re Yesu dide Tina b'auyaena riga
diyam auto, Yesu yipa sana nganja
yokatonj † Godind siteket yit yomnonj,
ngirpu ket yipkikonj dide
agoninonj Tina
b'auyaena riga
wa pilwa. † Ton
yindonj da, “Win
yokata! †temb re
Koina jt e.”



Seg ket Yesu kwa yipa kapo
yokatonj dide Godind siteket yit
yomnonj, ngirpu ket Tina b'auyaena
riga wa kapo akawonj towanim
onayam odede yit kima da, “Win
komkesa onggit kapond nyi yonaika!
Mop nokip itemb kapond nyi re
Koina outinti tirir omnijog yit kima
kus e rinte re Kon
yigmarken j
ogjog rigaina
negir mile awir
omnikam.”



“Simon, Simon! Yir de, Satana kea Godind yigekitonj wen otonkenam odede ringma ra rigap kip tegegenanj au kesa omnam. Aji Kon kea yir opmitond mor gatab, nokim da idenat moina gar ke utkunda maka gou wa tigomenj. Aji man ita gou wa tigomenjit dor, i ra man tengenjit onggityam egomenda kak ke, man b'ogla danda tagoninyit moina gar ke utkunda nany dide yingganwar.”




Aji Petro Yesund yomnonj da, “Kor Yonggyam! Kon b'angonjeni e nibnyin man kima menonim de sibibmet wa i dide kwa uj okatam.” Aji Yesu daka tin yomnonj da, “Petro! Kon men wumir motinyin da man yu siwiny nowapyam e Ken notiyenyit dor da, ‘Kon ma wumir en Ton,’ i seg ket pauro ara ikeny dor.”



† re Yesu Tina b'auyaena riga
kima menon yokato yipa
pipmet wa nyi da
Getsemani, Yesu ten
amnionj da, “Kon ama
de neken dide yir e
topmitenyin. Si win
omandemb omniki wekene,
ngirpu ra Kon titenjin wa
pilwa.” † Ton kwa yir opmitonj
da, “O Abu! Komkesa gasa re
ririr im Mornim omnikam.
Onggityam Koina b'idgotnena
kapo yewaikite Kor pilke. Aji
goro Koina singi ke, aji Moina
singi kena.”



Si Yudas yipa geja riga bobo dide ninda yinamet yir ipka riga akasinonj yina mopyam si riga wa pilke dide Parisai riga wa pilke. Seg ton ket lampa i ngaya dide ipowa gasa kima onggit pipmet wa wuwonj. Si towa wingirind yipa rigat giri yingawonj yina mopyam si rigamna wiko rigam pilwa, i ton ket yipmarkitawonj tina yimjog yim tab ke yipya rom. Aji Yesu Tina b'auyaena riga amninonj da, “Omandemb seg aina! Goro ket b'usaya omnika!” Seg ket Ton onggit rigamna yipya rom yesopayonj dide ket tin yisakendonj.



† ton Yesund yokato † ket yimtitik yiyo de yina mopyam
si rigamna met wa, ngirpu met kara bora wa b'igarkito.
Aji Petro re pajapaja na yimta
undoka yiyonj. Aji re ket
rigap wul yitano aba
inyinyind, ton ket yipand
omnika wuwenonj. Si
Petro toda kwa kea
omitonj towa
wingirind.



† omanda yipa mopyam si
rigamna wiko riga
yibnonj. † ton re onggit
kus riga na yena re
Petro yipya rom
yipmarkitonj. Si ton
Petron d yomnonj da, “Ma ke
kon men yir mongen kim re
man Ton kima mibnyit de
sopapu wa?” Si Petro b'usaya
ket b'aenonj, † odenja ket pauro
ara yikenonj. Seg ton ket bau wa
opendonj dide ket ma sobijog na
gar kopa kima yii yindonj.





Seg komkesa onggityam riga bobo
owinkito, i ket Yesund yiyo Roma
gabmani mopyam Pilatom pilwa. Si
Pilato ket Yesund yigekitonj da, “Ma
Man Ju riga waina
King et?” † Yesu tin
mira yomnonj da, “Owi,
kemb man mindenyit.”



Aji Pilato b'usaya kwa towa pitapita
amnawonj, nokip ton singi na awonj
Yesund opendam. Aji ton ija na ara
yoikindenayo da, “Wul b'agbagind
yidrike! Wul b'agbagind
yidrike!”




Ngirpu ket Pilato onggit winind
Yesund towa yimind yoramitonj
wul b'agbagind idrikam. Si geja
rigap ket Yesund yokato. Si
Yesu Tina wul b'agbag kawar
wa yomnonj i ket opmarkitonj i
dide ket yikonj de onggit pipmet
wa ogenaya da Mopkak
Wimenapu Tungga, Ibru yit ke da
Golgota.



† omandemb ket Tin wul b'agbagind
yidriko. † kwa nimog riga Ti yiu ke
yiu ke edriko, si Yesu re towa
inyiny nat yibnonj.



Si lomkongga ngaya re kea osmantonj. † kwa ket
ukoi gutomgutom kobirgim rina re yinametind
ewirinti yibnenenonj yinayina pipmet dide yina
pipmet ganggand, ton inyinyind
b'inyowendonj. † Yesu ket
ukoi kana ara yikenonj
da, “Abu! Kon Koina
wingawinga Mor yim
kumb nate yoramisin.”
† onggit yit seg ke
ket Ton uj awonj.



Si onggit penaemb Arimataya tunggam
Yosep onyitonj Yesu ma ujjim
eungitam. Ton re Ju riga
waina Sanedrin memba
wingirind yipa ongwati
riga na yibnonj dide
kwa daka ton
tilenggyam re God
ma pumb tungg
na yir

yungaenenonj. Si ton
ket moga kesa awonj
dide ket kea yikonj
Pilatom pilwa, ngirpu
ton ket tin yerkitonj
Yesumna ujjim
okatam.



Seg ket Yosep ninda riga kima bilbil
kobirgim emdito, i ket ujugim wul
b'agbag kumb ke gou wa
yijgendo dide ujugim
kobirgim ke ponpon
yomniko. Re ket seg,
yiyo yipa gopmet wa
rina re rigap gimo
yitund yesko, i ket
yoramito onggit
gopmet


wingir wa, i dide ket
ukoi gimo ururkena
yiyo gopmet mora
utwangkam.



† Yesumna uĵim gopmet wa yoramito
re Ju riĵa waina wiram
dide yir opmitena
bibirim B'angonjena
Bibir nat. Si onĵit
penaemb yina
mopyam si riĵa dide
Parisai riĵa yipand
Pilatom pilwa
wuwonj.



† ton ket Pilatond yomno da, “Si ukoyam! Sin ita nonyind yowamu da re itemb b'anyginena riga yilo yibnonj, Ton kea odede yindenonj da, ‘Kon ita uj ke tutnyisin nowam bibirind.’”



Seg ket opimemb yina mopyam si riga
dide Parisai riga yipand geja riga
kima wuwonj gopmet wa
dide ket so erka mal
gopmet mora utwangki
gimo kumbind yoramito,
ngirpu ton ket
opimemb yir
engenda geja riga
engauto b'obogil

yirgong
omnikam
dide ket
ton itekto.



† onggit Ju riga waina wiram dide yir
opmitena bibir seg ke naskajog
bibir awonj re Sande na, †
onggit Sande sitawarjogind
Magdala tunggam
Mariya † dide ti
nyimad Mariya
ekonda gopmet yir
ongongim.




† odedend ket ukoi jijig awonj, mop
nokip Yonggyamimna aneru ikonj
pumb tungg ke dide ket gimo
yiund oski gopmet mora wa
yikonj † dide ket itemb
gopmet mora utwangki
gimo yururkitonj. Seg
ket ton onggit gimo
kumbind omitonj.

Si opimemb yir
engenda geja
rigap ma sobijog na
moga yuwado itemb
aneru, si ton kea
kaktiti aukito dide
ket uj riga pila na
itkobiki wekenonj.



† itemb aneru osiemb kongga nimog
amnonj da, “Goro win moga tawa!
Mop nokip kon wumir en da
win Yesu na orakam
otupya yena re wul
b'agbagind yidriko.
Aji Ton awir e dikind.
Mop nokip Ton kea
utnyis rija na re

Ton



yindenonj. Tetka!
Dide yir yonga
pipmet rikind re


Tina ujugim yoramito!”




Seg osiemb kongga nimog wanakana
itemb gimo yund oski gopmet ke
yiwatonda moga kima aji ukoijog
sam kima na, i ton ket b'ikonda
Tina b'auyaena riga wumir
omnam.



† nyawind odedend ket Yesu ten wipwip
amnonj dide ket amnonj da, “Simesime!”
Si osiemb kongga nimog Yesum
wus wa tetkonda † ket kumsos
b'amkonda dide ket Tina pis
esopaya kima Tin
yewangayonda.






Onggit kak ke, re tina ileben (11) b'auyaena rigap diyam aukito, Yesu towa wipind pitapita awonj † ket samany eyowinonj towaina gar ke utkunda kesa mile dide gimo pila rogilkak gar gatab, mop nokip ton maka iminjogim ammento riga yepiya re Yesund wip yir yongo Tina utnyiti kak ke. Re ket Yonggyam Yesu towa pilwa yit opurena seg awonj, God Tin yurowatonj pumb tungg wa. † Yesu ket juwai kima pipmetind omitonj Godimna yimjog yim tab ke de pumb tungg wa.



God ma sobijog na gowukoi riga singi
eyeninonj, si onggit penaemb Ton Tina
lesmita B'iga akainonj. Nokim da idenat
komkesa riga yepiya ra Ti pilind gar
ke utkunda oramisi, ton ma opima
negir taukanj aji ton ita okasi
dadal ngirpu kesa
yirkokar.



Roma Leta 3:23

Mop nokip riga ma ririr im God ma b'ogil inyomarena okatam, komkesa re kutjog im, nokip komkesa riga re negir mile omnika riga im.

Roma Leta 6:23

Mop nokip negir milemna mira re uj e, aji Godimna yiyag wurar re ngirpu kesa dadal yirkokar e rinte re yibim Keriso Yesu mera Yonggyamim pilind.

Ibru Leta 9:27

Si itemb re get ke oramiti yit e da riga b'ogla yipapyam uj okas, i onggit kak ke ket ton b'ogla b'isagika daka kwa okas Godim wipind.



Epeso Leta 2:8,9

Mop nokip win gar ke utkunda ke yirkokar yokatonda re Godimna wurar kena, i itemb mile aukonj re ma wa pilkena aji Godimna yiyag wurar kena. Si God yirkokar okata mile pita yomnonj re Tina wurar kena, aji ma gog yit owama kena o ninda b'ogil wiko omnika kena. Nokim da idenat maka yipa rigat b'atisoureny da, "Kon yirkokar yokatond re koina omnika kena."

Roma Leta 10:9,10

Ra man moina tugim ke riga wa wipind pitapita omnyit da "Yesu re kor Yonggyam e," dide man moina garind gar ke utkunda ke okasit da "Godit Tin yutnyitonj uj ke," si man ita yirkokar okasit. Mop nokip yet ra gar ke utkunda okas tina garind, si ton kemb negir kesa dimdimjog riga nyi yokas, i dide yet ra tina gar ke utkunda gatab riga wa wipind pitapita ominy tina tugim ke, si ton kemb yirkokar yokas.



Yoan ma Peba 3:16,17 “God ma sobijog na gowukoi riga singi eyeninonj, si onggit penaemb Ton Tina lesmita B'iga akainonj. Nokim da idenat komkesa riga yepiya ra Ti pilind gar ke utkunda oramisi, ton ma opima negir taukanj aji ton ita okasi dadal ngirpu kesa yirkokar. † God Tina B'iga gowukoi riga wa pilwa yitmikitonj re ma gowukoi riga negir ma b'isagika mana, aji onggit mana da gowukoi rigap yirkokar okasi Tina wiko ke.

Naskanyam Yoan Leta 5:11-13 † itemb ji yir ungata yit da God mera nokainonj dadal ngirpu kesa yirkokar i ket itemb yirkokar yibim re Tina B'igam pilnate. Yet ra onggit B'igand okas, ton kea itemb yirkokar yokas. Aji yet ra maka onggit B'igand okas, ton makaya onggityam yirkokar yokas. † kon onggityam yitkak wanim mim erikainyin yepim re win Godim B'igamna nyiwim pilind gar ke utkunda yoramisyia. Nokim da idenat win wumir okasya da wa ita ebnau dadal ngirpu kesa yirkokar wa pilind.



Matayo ma Peba 26-28; Luk ma Peba 22-24;
Yoan ma Peba 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Wipi NT (gdr) © 2014, Wycliffe Bible Translators, Inc.
All rights reserved.

<https://live.bible.is/bible/GDRPNG/MAT/1>

©2026 Bible for Children, Inc.

www.M1914.org

www.bibleforchildren.org

